


14 PM

Pastorinus Jochen





PACTA

Induciarum

Viginti Sexennialiam

Inter

Incluta Regna


POLONIÆ, SVECIÆq; ,

Anno 1635.

In

Prussia,

*Divino auspicio feliciter
paracta;*



Atq; Elbingensium

*typis Bodenhauſianis
vulgata.*

Nos Serenissimi ac Potentissimi Principis
ac Dni, Domini VLADISLAI QVAR-
TI, Dei Gratia, Regis Poloniae, Magni
Ducis Lithvaniae, &c. &c. &c. atq; inclytæ Rei-
publicæ Polonæ Commisfarij, Iacobus Zadzik,
Episcopus Culmenfis & Pomesaniae, Nominatus
Cracoviensis, Dux Severiensis, Generalis Præposi-
tus Miechoviensis, Supremus Regni Cancellarius;
Raphaël Comes de Lesno, Palatinus Belzensis,
Rubieszovvienfis, &c. Præfectus; Magnus Ein-
ftus Dönhoff, Castellanus Parnaviensis, Derpaten-
fis, Oberpalienfis Præfectus; Remigius de Otok
Zalesky, Referendarius Regni; Iacobus á Sobieszin
Sobiesky, Incisor Regni, Crasnostaviensis, lavoro-
vienfis Præfectus:

Notum testatumq; facimus universis, quorum
interest; quod cum induciæ sexennales inter Sere-
nissimos ac Potentissimos Reges ac Regna Polo-
niæ ac Sveciæ, eo inter alia fine Anno 1629. sanc-
tæ essent, ut interea vel de pace perpetuâ, vel indu-
cijs longioribus, interveniente mediatione Smo-
rum ac Potentis; Galliae & Angliæ Regum alio-
rumq; Principum, loco & tempore, de quibus per
Snum Electorem Brandenburgic: &c. Vnum, ex
ijsdem Mediatoribus, inter partes conventum es-
set, ageretur. Inde postquam á Suâ Serenitate
per

per ejusdem Legatos Illmum Principem Sigismundum, Marchionem Brandenburgicum, & illustres ac Magnificos Andream á Kreutzen, Consiliarium Ducalis Prusis, Regentem & præfectum Provinciale; Ioannem Georgium á Sauken Consiliarium Regentem & Cancellarium; Bernhardum á Königseck, Consiliarium Provinciale; Georgium á Rauscke, Consiliarium Iudicij aulici, & Petrum Bergkmannum Consiliarium, invitati Stumsdorffium cum Illmis, Serenissimæ Regina, Regniq; Sveciæ Commisarijs, Dn. Petro Brahe, Comite in Wisingsburg, Lib. B. in Ridboholm & Lindholmen, Regni Sveciæ Senatore, Legifer VVesmanniæ, Montanorum, & Dalecarlorum: Hermanno VVrangelio, Regni Sveciæ Senatore, & Exercituum Campimarschallo, Hæreditario in Lerichholm, Skokcloster & Overpalen, Equite Aurato; Achatio Axelij, Regni Sueciæ Senatore & Legifero Nericiæ, Hæreditario in Göxholm &c. Ioanne Oxenstierna Axelij, Serms Regina Consiliario secretiore, Lib. Barone in Kimitho, Dno. in Fiholm &c. & Ioanne Nicodemi, Serms Regina Secretario, & ad Exercitum Prussicum Commisario Grali, convenissemus, ac interventu inprimis Serenis: & Potentis: Principis Domini Ludovici XIII. Franciæ & Navarræ Regis Christianissimi per

Illustris: Dominum Claudium de Mesmes, Equitem Auratum, Dnum de Auaux, Comitem Confistorianum, & S. R. M. per Septentrionem extraordinarium Legatum; ac Ser: & Potent: Principis Domini, Dni Caroli Magnæ Britanniæ &c. Regis, Fidei defensoris, per Illmum. Dnum. Georgium Douglassium, Equitem Auratum, S. R. M. Legatum, nec non Celsorum, ac Præpotentium, D. D. Ordinum Belgij per Illustres ac Magcos Legatos, Dnum Rochum van de Honaert primum in Supremâ Hollandiæ, Zelandiæ, Westphrisiæq; Curiâ Consiliarium, Andreæm Bicher Consulem Civitatis Amstelredamensis & Ioachimum Andreæ in Suprema Frisiæ Curiâ Consiliarium, pacis Tractatum auctificati essemus ac diu multumq; agitassemus; eò tandem divino Numine favente, prædictisq; Illmis Legatis indefessam operam huic negotio impendentibus, rem deduximus, ut cum præ memoratis, Srmæ Reginæ Regniq; Sveciæ Commissarijs de Inducijs, ad modum sequentem convenerimus, statuerimus & concluderimus.

I.

Sint Induciæ ex hoc die inter Sereniss: Principem ac Dominum Dn. VLADISLAVM IV. Regem Poloniæ, Magnum Ducem Lithvaniæ, &c. &c. &c. Sux Mris. Successores Reges Poloniæ,

niæ, & Magnos Duces Lithvaniæ Regnumq; Poloniæ, & Magnum Ducatû Lithvaniæ, ex vna; & inter Srnam Principem ac Dnam, Dnam CHRISTIANAM, Svecorum Gothorum Vandalorumq; designatam Reginam, Magnam Principem Finlandiæ. &c. &c. &c. & suæ Majest: Successores Reges Svecorum, Regnumq; Sveciæ ex alterâ parte, annis sequentibus viginti sex à datâ præsentium computando, usq; ad primam julij styl. vet. anni millesimi sexcentissimi sexagesimi primi.

II.

Sit omnium utrinq; ante actorum amnestia, in primis S. R. M. ejusq; Successores Reges Regnumq; Poloniæ abstineant durantibus inducijs omni hostilitate adversus Reginam Regnumq; Sveciæ, eisq; mediatè vel immediatè subjectas provincias, castra, civitates ac territoria, neq; quicquam per se vel per alios moliantur aut tentent tentarive faciant in horum detrimentum aut præjudicium.

Ad eundem modum Srma Regina, ejusq; Successores Reges Regnumq; Sveciæ abstineant durantibus inducijs omni hostilitate adversus Regem Regnumq; Poloniæ & magnum Ducatum Lithvaniæ, eisq; mediatè vel immediatè subjectas provincias, castra, civitates ac territoria, neq; quicquam per se vel per alios moliantur aut tentent,

ten-

tentative faciant in horum detrimentum aut præjudicium.

III.

Sacræ Regiæ Majest: ac Reipub: Polonæ, Srma. Regina Regnumq; Sueciæ reddat eam Prussiæ partem, quam hætenus occupatam possidet; ita tamen, ut Pillavia Electori Brandenburgico Duci in Prussia immediatè restituatur possidenda, eodem jure, quod ante hoc bellum habuit

IV.

In restituendis verò locis hoc observetur, ut exhibitâ Commissarijs Sueticis Serenis. Regis Poloniæ Ratificatione, nec non interpositâ cautione Senatorum & Commissariorum Polonicorum, lege Comitiali ad latus Regis à Republica delegatorum, de tradenda primo quoq; tempore Reipub. Ratificatione, Mariæburgum cum Insulâ Majore, Stumâ Brunsbergâ ac Tolkemito cum eorum Territorijs, deductis præsidijs reddantur in manus Commissariorum Serenis: Regis ac Regni Poloniæ; Höfftium verò & Iunkertreil, præsentibus Deputatis utriusq; partis, solo æquentur, suis cuiq; fundis & bonis relictis; & exercitus utrinq; abducantur, intra id tempus eoq; modo ac ordine, quo inter Generales utriusq; Partis convenerit. Elbingam verò cum pristino ejus territorio, atq; Insula minore ac munimentis

mentis ibi extructis, nec non Pillaviā cum eā parte Neringiæ, quæ eò spectat, retineat Serenissima Regina Regnumq; Sueciæ, donec Ratificatio Reipubl. Polonæ subsequuta fuerit, quā traditā, illa quoq; loca intra dies quatuordecim deductis sine damno incolarum præsidij restituat, hoc observato, ut fortalitia omnia Elbingæ extructa, relinquuntur eo in statu, in quo nunc sunt, & eadem custodia, uti anti hoc bellum.

V.

Post restitutionem locorum omnium Vectigalia in eum mox reducuntur statum, & in illud jus, in quo erant ante hoc bellum, servatā in omnibus æqualitate, ubi antea fuit.

VI.

In Ljvonia utraq; Pars uti præteritis sexennalibus inducijs possedit, ita hisce quoq; possideat.

VII.

Sacra Regia Majestas ac Respublica Polona, receptas in fidem suam civitates ac territoria eorumq; Magistratus, communitates, cives, incolas & subditos universos omni meliori modo indemnes præstet, ac eadem, quā olim clementiā & gratiā prosequatur, foveat & tueatur, gaudeantq; universi & singuli possessionibus, iuribus, privilegijs consuetudinibusq; suis tam generalibus ac
com-

communibus, quàm specialibus sine exceptione,
quibus ante hoc bellum gavisi sunt. Præsertim
verò civitas Elbingensis in usu sigilli Terrarum
Prusis, & consueto sessionis loco conservetur,
postquam debitum S. R. M. juramentum fide-
litis præstiterit. Salvo manente libero in-
locis restitutis, uti ante viguit, Evangelicæ Reli-
gionis exercitio; manente quoq; libero Catho-
licæ religionis exercitio, in templo præsertim
parochiali veteris civitatis Elbingensis, uti ante
bellum.

VIII.

Cunctæ actiones adversus illos, qui partes Smo-
rum Regum ac Reginae Sveciæ quocunq; modo se-
cuti sunt aut secuti esse insimulantur, cujuscunq;
sint status, & ordinis, sive privati vixerint vel officio
publico functi, ac servitijs Serenissimæ Reginae
Regniq; Sveciæ obstricti fuerint, vel instituendæ
vel institutæ cessent, & si quæ intentatæ sunt, tol-
lantur, omniq; careant executione in perpetuum.
Nec quisquam de ijs, quæ belli induciarumve
tempore ex occasione ejusdem belli vel inducia-
rum intercesserunt, cuiquam respondere teneatur,
& si quid in contrarium susceptum factumvè est,
aut rescriptum vel decretum aliquod in absentia
partis obtentum, id omne sit irritum nulliusq; va-
lo-
IX.

IX.

Si cui aut quibus non placuerit in restitutis civitatibus aut territorijs manere, sed potius mutato domiciliō ad alios se conferre, liberum sit in spatio trium annorum á datá præsentium numerando sua dividere, alijs elocare, aut pro suo lubitu distrahere sine ullo impedimento aut onere sub quocunq; prætextu imponendo; salvis antiquis civitatum juribus & consuetudinibus.

X.

Si qui Exulum, qui extra Sueciam apud Polonos versantur, & partes Smornm Regum Poloniæ secuti sunt, in Patriã redire quacunq; de causa voluerint, saluum quærant conductum, quo impetrato fruantur beneficio legum ac statutorum Regni Sueciæ.

XI.

Acta, Iudicata ac Decreta cujuscunq; fuerint Instantiæ vel judicij, inscriptiones, Contractus, transactiones, aliaq; omnia (quæ statui publico, uti is fuit ante bellum, non derogant, vel hisce pactis per expressum non sunt reservata) belli vel induciarum tempore sive Magistratuum autoritate & judicialiter sive extra judicialiter gesta, firmum robur obtineant, æquè ac si priore rerum statu omnia acta fuissent, nec ulla unquam regiminis & Magistratuum mutatio intervenisset.

B

XII. In

XII.

In locis, quocunq; tempore juxta pacta præsentia restituendis, relinquuntur bonâ fide omnia mobilia Ecclesiarum, quæ in præsens reperiuntur, uti sunt vasa ac vestes sacræ, campanæ aliq; ad usum ecclesiasticum servientia, tum libri Cancellariæ, Privilegia & Acta pnblica; Si quæ tamen temporum injuria à milite sunt direpta, aut aliorum negligentia corrupta, ulterior in id inquisitio non instituat, nec quisquam ad restitutionem teneatur. Tormenta item bellica & bombardæ majores, quæ tempore occupationis inventæ fuerunt, & adhuc in restituendis civitatibus vel locis sunt, relinquuntur.

XIII.

De ijs quæ durante bello, jure fisci cuiquam adempta, & vel fisco illata, vel alijs donata sunt, ita convenit, ut Immobilia sive Regia & Reipbl. sive etiam privatorum sint bona, quorum donationes Vtrinq; factæ sunt, si donatarijs jam tradita sunt, antiquis possessoribus restituantur; Si verò nondum tradita, maneant penes Dominos. Cessantibus de cœtero omnibus quæstionibus actionibusq; ratione reddituum sive ex publicis sive privatis bonis perceptorum. Mobilium etiam donationes & largitiones utrinq; factæ, si ante has inducias executioni non fuerint demandatæ, irritæ sint; traditæ vero,

rò, possessoribus modernis relinquantur. Cessantibus quoq; eorum nomine omnibus actionibus irritisq; obligationibus, quibus apochæ authenticæ sive à Regum locumtenentibus, sive ab Officialibus Camerarum Regiarum, sive etiam ab ipsis donatorijs sine fraude datæ, dummodò de ijsdem donationibus per Authenticum instrumentũ constet, solutionis factæ opponi possunt.

XIV.

Commercia pristina inter utrumq; Regnum & provincias subjectas restituantur, & in veteri exercitio conserventur, redeantq; omnia in eum statũ, in quo ante hoc bellum fuerunt, ab omnibus novitatibus oneribusq; hoc bello inductis, vindicata.

XV.

Defluitatio mercium ex Magno Ducatu Lithvaniæ nullâ ratione in flumine Duna impediatur; sitq; ea in dicto flumine vectigalium ratio in posterum, quæ fuit ante hoc bellum.

XVI.

Subditi fugitivi Magni Ducatus Lithvaniæ & Ducatus Churlandiæ quicumq; in Livonia reperti fuerint, suis Dominis reddantur, quod vice versa de subditis fugitivis ex Livonia in Magno Ducatu Lithvaniæ & Ducatu Churlandiæ fieri debet.

XVII.

Exercitus omnes, exceptis præfidiarijs, tempore supra definito, ab utraq; parte ex provincia deducantur: et quidem Sueticus per mare; si tamen Equitatus intra assignati temporis spatium trajiciendo navium copia non suppetierit, liber illi & innoxius transitus quam brevissimo itinere per terram in ditiones ipsorum, sine damno incolarum Regno Poloniae mediatae & immediate subjectorum concedi debet.

Quod itidem observetur, si aliqui pedites dicti exercitus Suetici dimissi fuerint. Iustitia verò per Praefectos indilata bona fide administretur damnum & injuriam passis.

XVIII.

Injurias tam personales quam reales sub hacce inducias incidentes, una pars de altera non vindicabit, salva Jurisdictione ordinaria cujusq; partis, sed iustitia ab Officialibus & Magistratibus competenter requiratur, eademq; indilata administretur, severaq; poenae in violatores pacis fide publicâ roboratae exerceantur; nullaq; repressalia aut arresta tam terrâ quam mari ratione cujuscunq; injuriæ, nisi iustitia pluribus vicibus legitime repetita non administretur, admittantur. Et si quæ ante hoc bellum sive etiam bello durante, concessa sunt, cassentur; ita tamen, ut quibus concessa sunt, iustitia administretur.

XIX. Quod

XIX.

Quod si quid gravius inciderit, quod violationem pactorum concernere videretur, dentur utrinq; Commissarii, qui loco aliquo ad fines Livoniæ assignando conveniant, & controversias exortas sopiant decidantq;.

XX.

Pro maiore securitate, & ne quidquam hisce pactis contrarium, durantibus inducijs, à quoquam committatur, Ordines Regni Poloniæ & Magni Ducatus Lithvaniæ promittant & fidejubeant, Srmnm Regem Poloniæ & ejus fratres eorumq; successores ac posteros, durantibus inducijs ex Regno Poloniæ, Magno Ducatu Lithvaniæ & omnibus eis subjectis provincijs ac ditionibus nihil molituros, multò minus hostile quidquam tentaturos adversus Srmam Reginam, ejus Successores Reges, Regnumq; Sueciæ eisq; subjectas ditiones ac provincias, civitates, castra, munimenta ac territoria. Et si quidquam tentaverint, id impedire ac prævenire teneantur.

XXI.

Sacra Regia Majestas ejusq; Successores Reges ac Respublica Polona, adversus Sereniss: Reginam, ejus Successores Reges Regnumq; Sueciæ, subjectasq; ditiones ac Provincias classe nullâ mariti-

mâ, nullisq; navibus utatur, vel alijs quibuscunq;
auxilio submittat durantibus inducijs. Et Dux
in Prussia, Dux Churlandiæ, & ex Statibus Rega-
lis Prusiæ Civitates Majores, caveant, se non per-
missuros hostile quicquam ex portubus suis Regi-
næ Regnoq; Sveciæ, subjectisq; ditionibus ac pro-
vincijs illatum iri directè vel indirectè.

XXII.

Durantibus ac currentibus hisce inducijs agatur
de pace perpetuâ, loco & tempore, interventuq;
Principum Mediatorum, de quibus inter partes,
curâ ac diligentia Illustris Ducis Churlandiæ con-
venerit. Ita tamen, ut si Tractatus pacis perpetuæ
semel aut iterum non successerit, firmæ nihilomi-
nus & inviolabiles manean Induciæ usq; ad exitum
pactis hisce præfinitum.

XXIII.

Si qui Regum ac Principum Christianorum
hisce pactis ex utraq; parte includi voluerint, sit i-
psius ejus facultas, modo se ad ista intra quinq; ab-
hinc menses declaraverint.

XXIV.


Vt hisce pactis firmius insistatur, certoq; con-
stet, bonâ fide omnia servatum iri, hoc modo con-
venit, ut redditis utrinq; Procuratorijs Dnorum
Commissariorum, pacta hæc manu & sigillo eorun-
dem


dem roboventur & invicem tradantur. Tum ut
Serm. Rex Poloniæ secundum præscriptam formu-
lam eadem quantocius confirmet, & antequam
ullius locj fiat restitutio, suam confirmationem
tradat: deinde ut Serenissima Regina Sueciæ so-
lenni instrumento, Illa nomine suo ac Regni Sue-
ciæ, per subscriptionem Dominorum Regni Sue-
ciæ Administratorum rata habeat. Et Respublica
Polona eadem in Comitijis primo quoq; tempore
celebrandis, solenniter adprobet, & confecto in-
strumento ratificet. Quæ quidem Instrumenta so-
lennia ad formulam præscriptam nulla voce aut
syllabâ mutatâ, per utriusq; Partis Commissarios
Deputatos quantocius poterit, ad limites territo-
riales inter Elbingam & Mariæburgum, sine ullâ
morâ & excusatione reddi utrinq; ac recipi debe-
bunt. Ad eundem modum Sermus Elector Bran-
denburg: Dux in Prussia, Dux Churlandiæ, & ex
Ordinibus Regalis Prusiæ Civitates Majores lite-
ras suas Reversales, quibus Securitati Serenissimæ
Reginæ ac Regni Sueciæ cavebiter, ante restituti-
onem Elbingæ & Pillaviæ tradant. Actum


Stumisdorffij d. 2. Septemb. Styl. vet.

Anno salutis Millesimo Sexcen-
tesimo Trigesimo
quinto.










Biblioteka Jagiellońska



stdr0003073

